

叢書集成續編

三八

新文豐出版公司印行

叢書集成續編

第三八冊目錄

哲學類



道家哲學——老子

老子解二卷·····	宋 葉夢得撰	邵 園	一
老子解一卷·····	清 吳 鼐著	昭 代	一七
非老一卷·····	清 吳 鼐著	昭 代	三九
老子別錄一卷·····	清 吳 鼐著	昭 代	四七
老子義殘一卷·····	民 羅振玉輯	吉 石 盒	六一
老子學辨一卷·····	民 胡懷琛著	樸 學 齋	六七
老子補註一卷·····	民 胡懷琛著	樸 學 齋	七七

道家哲學——莊子

南華真經十卷·····	晉 郭 象注	續 古 逸	八一
莊子翼八卷闕誤一卷附錄一卷·····	唐 陸德明音義		
讀莊子法一卷·····	明 焦 竑撰	金陵叢書	二二三
莊子解一卷·····	清 林雲銘撰	昭 代	五三九
南華通七卷·····	清 吳 峻著	昭 代	五四七
莊子解十二卷·····	清 屈 復撰	青 照 堂	五五九
南華真經田子方品殘一卷·····	清 吳世尚注評	貴池先哲	六二三
	民 羅振玉輯	吉 石 盒	七四三

老子解

商孫德輝敬題

宣統元年冬月葉氏觀古堂刊

輯石林老子解序

六世祖少保公老子解二卷宋陳振孫直齋書錄解題著錄其他藏書目則未之載蓋散佚久矣咸豐中家調笙先生吹網錄列公著書目中有此種云畢氏道德經考異引八十餘條實從宋彭耜道德經集注采出此誤記也畢氏考異並未引彭書而彭書自在道藏中可以搜採余以暇日從其中鈔出有注者七十七條經文與他本異者六十五條又從金趙秉文集解引得三條大約視原書已十得六七所失蓋無幾云宣統元年己酉冬仲望後裔孫德輝敘

序

跋

安樂山樵據隨園詩話稱為吾鄉云云則浙人也然其姓名終無可考後閱禮親王昭槤嘯亭雜錄足本卷八云自魏長生以秦腔首倡於京都其繼之者如雲有王湘雲者湖北沔陽人善秦腔貌疏秀為士大夫所賞識有宗臣某嘗折其園中樓閣為其償逋債湘雲性幽謫善繪墨蘭頗多風趣余太史集為之作燕蘭小譜以紀一時花月之盛以湘雲為魁選云後湘雲改業為商賈家頗富饒至今猶在云得此足補隨園詩話之闕吳振械杭郡詩輯續十七卷云余集字蓉裳號秋室仁和人乾隆丙戌進士候選知縣特徵纂修四庫全書授編修歷官侍讀學士道光壬午

跋

重宴鹿鳴少習繪事而尤擅長者為士女圖都下有余美人之目小譜原刻為其手書則是自撰自書不知如何精妙惜不得原本一仿刻之先生手書刻行者有金元好問夷堅續志四卷元周密志雅堂雜鈔二卷孫承澤庚子消夏記八卷余皆有其書而小譜獨希見殆以犯綺語之戒當時不甚流布耶當時嚴冬有長明亦有秦雲擷英譜之作憾不得合刻之辛亥夏五德輝跋

老子解卷上

宋葉夢得撰

裔孫德輝輯刊

道可道章第一

道可道非常道名可名非常名

道無物不可得而名聖人無意於言即已苟欲言非名之則無以顯其道故存其不可道不可名者以爲之常而設爲可道之道可名之名以寄其非常此老氏之書所以作也

宋彭紹道德真經集註餘並同

無名天地之始有名萬物之母

昔者佛氏蓋嘗爲色空之說自無適有謂之色色出於無則雖色而未嘗不空自有入無謂之空空反於有則

子解上

雖空而未嘗非色色與空雖黃帝神禹不能窺其間矣聖人亦何心焉即有以爲有無物而非有故以有名爲萬物之母天地亦由之而生即無以爲無無物而非無故以無名爲天地之始萬物亦由之而隱

常無欲以觀其妙常有欲以觀其微

惟聖人爲能超乎有無之外而遊乎有無之間我欲求之於無故觀之於空而妙者在焉莊周之所謂觀無者天地之友是也我欲求之於有故觀之於有而微者在焉莊周之所謂觀有者昔之君子是也

天下皆知章第二

天下皆知美之爲美斯惡已皆知善之爲善斯不善已

不有惡也夫孰爲美不有不善也夫孰爲善美生於惡則美亦惡矣善生於不善則善亦不善矣

萬物作而不辭生而不有爲而不恃功成不居夫惟不居是以不去

萬物作吾與之作而不辭生吾與之生而不有方其爲時固不自恃適然功成吾何認而居焉此聖人所以由乎道而終無名也

不尚賢章第三

不尚賢使民不爭不貴難得之貨使民不爲盜不見可欲使心不亂

民失其性不夸於名則溺於利尚賢名也貴貨利也孟

子解上

子曰養心莫善於寡欲故舉是二者以見吾不示之所欲得則烏有亂其心者哉

是以聖人之治也

彭紹道釋文之治葉下各有也字

上善若水章第八

故幾於道矣

彭紹道釋文故幾於道葉句下並有矣字

持而盈之章第九

持而盈之不如其已揣而銳之不可長保

道欲其不盈爲其盈而持之則必覆不若無所執而聽其虧之爲愈也道欲挫其銳幸其銳而揣之則必折不若無所度而長保之爲愈也盈不恃則無喪己之患銳不揣則無敵物之憂

載營魄章第十

載營魄抱一能無離乎

人之生也以心藏神以腎藏精以肝藏魂以肺藏魄而後形體立精神之運形體不能拘而魂魄者所以守其形體者也魂出乎陽故升而上者散而無不之易謂之遊魂魄出乎陰故沈而下者滯而不能去老氏謂之營魄營者有方之言也善攝生者常使陽勝陰陰不能撓陽故魂每載魄而與之俱

寵辱章第十三

寵辱若驚貴大患若身

寵辱者視寵猶辱也貴大患者以貴爲大患也驚者猝

子解上

三

然遇之而駭者也身者憂患之所從生而不欲有者也常物之情得其所欲則順而安非其所欲則逆而駭故世不驚於寵而驚於辱寵之過必辱辱之復必寵視寵猶辱而若驚者知寵之必有辱也貴者人之所尊也貴賤無常分有貴而賤者爭生滅無定形有身而偶者敵視貴爲患而若身者知貴之必有賤也

故貴以身爲天下若可寄天下愛以身爲天下若可托天下

不貴其貴而貴其身雖得天下而不敢執視之猶逆旅茲非可以寄天下者乎不愛其寵而愛其身雖有天下而不敢任處之猶遠廬茲非所以托天下者乎

視之不見章第十四

是爲惚恍彭韓釋文恍惚葉作惚恍

古之善爲士章第十五

豫兮若冬涉川猶兮若畏四鄰儼若容渙若冰將釋敦兮其若樸曠兮其若谷渾兮其若濁

豫者先事而戒也古者謂大象爲豫物大則見之者早而冬涉川亦理之所易見而戒者也故先事如之猶者後事而猶疑也猶亦獸名畏人而善登木畏人登木可矣無人登木者疑也四鄰吾所親狎可以無畏而猶畏故後事如之儼若容莊也渙若冰將釋舒也冰者時而後散不遽毀其堅者也將以臨民不可以不莊故容張

子解上

四

之也孔子享禮有容色退而燕居不可以不舒故渙孔子居不容燕居申申如也天天如也弛之也敦兮其若樸足於己者實也曠兮其若谷受於物者虛也雖然是皆其表吾終日暴而不知斂則物得以窺之矣故終之以渾兮其若濁潔而與眾異易濁而與眾異難

致虛極章第十六

致虛極守靜篤

知虛之爲虛而致之未必能致於虛猶有實以爲之對也知靜之爲靜而守之未必能守於靜猶有動以爲之別也故致虛必極守靜必篤守虛極則無虛是爲真虛守靜篤則無靜是爲真靜

沒身不殆彭祖釋文集無此四字

太上章第十七

太上下知有之

有君臣而後有上下下知有之知其臨我者吾君而已民未見德則莫知何有於我也

猶兮其貴言功臣事遂百姓皆曰我自然

號令教戒無非言也欲以是爲信可乎上不以情示之下下亦不以情報之上上下下交相疑而不信其衰爲已甚而人猶以其言爲貴末流之弗悟也如此將以反之必使功臣事遂而百姓皆謂自然雖欲親譽之而不能則可以復乎太上之世矣頌堯之德曰蕩蕩乎無能名巍巍乎其有成功而本之惟天爲大惟堯則之夫天何爲者哉穹然在上而物無所歸德則所謂蕩蕩乎民無能名者乃所以謂我自然者也

絕聖棄智章第十九

絕巧棄利盜賊無有

利富之也孝慈教之也盜賊禁其爲非也而不知天下由是而愈亂

絕學無憂章第二十

絕學無憂

不學則道無所入見道則學無所用

荒兮其未央哉

此非言之所能窮故曰荒兮其未央哉

如春登臺

彭祖釋文如登春臺葉作如春登臺

我欲獨若遺

彭祖釋文我獨若遺葉我下有欲字

認之則有餘棄之則若遺

澹兮其若晦

彭祖釋文澹兮其若晦葉海作晦

而貴求食於母

彭祖釋文而貴求食于母于葉作於

孔德之容章第二十一

孔德之容惟道是從

德之爲言得也道不可見而德有可得故道無容而德有容

惚兮恍其中有象恍兮惚其中有物

彭祖釋文惚兮恍兮惚其中有象兮恍兮惚其中有物

子解上

五

子解上

六

中有物兮葉作惚兮恍其中有象恍兮惚其中有物

恍惚非二境象物非二類也

窈兮冥兮其中有精

彭祖釋文中有精今葉作其中有精

曲則全章第二十二

曲則全枉則直窪則盈弊則新少則得多則惑是以聖人抱一爲天下式

曲則全窪則盈少則得理也卽其體而言之也枉則直弊則新多則惑勢也極其變而言之也曲則不忤故全窪則不滿故盈少則不夸故得此理之必至者也枉非以求直而枉之極必直弊非以求新而弊之反必新多非以求惑而多之罪必惑此勢之不得不然者也理勢

之相成或更爲終始或迭爲得失紛然其不可窮而聖人獨能濟之不與之俱變者抱一也前言魂魄之合而曰抱一者一之存乎己者也今言理勢之雜而曰抱一者一之總乎物者也一則萬法之所從出故以爲天下式

不自見故明不自是故彰不自伐故有功不自矜故長夫惟不爭是以天下莫能爭

彭祖釋文故天下莫能與之爭葉作是以天下莫能爭

見字當讀爲見乃謂之象之見夫惟得一故雖晦其迹不自見而反明雖藏其用不自是而反彰不伐而有功不矜而能長亦由前之爲曲全窪盈者天下之理同也是以復終之矣夫唯不爭故天下莫能與之爭以爲萬

子解上

七

物之變非吾所能執及其既定物亦莫能與我競此不爭之效也雖萬物無不可爲爭心苟存則雖一法無所容措

古之所謂曲則全者豈虛言哉誠全而歸之

知此則循其本而反之所謂曲則全者豈虛言哉吾誠先得其全而後歸於道則由枉而下爲可知矣

希言自然章第二十三

希言自然

此章明言不足以得道欲得道者必卽道以求之而道之不行世始有方術之士各以其一曲詭譎譎違理而叛道雖幸或見不旋踵而亡矣

故飄風不終朝驟雨不終日孰爲此者天地天地且尙不能久而況於人乎

彭祖釋文天地尙不能久葉作天地且尙不能久

夫言之不足尙如此

故從事於道者道者同於道德者同於德失者同於失同於道者道亦樂得之同於德者德亦樂得之同於失者失亦樂得之

非失之云能得道也因其失而正之亦可以得乎道也

政者不立章第二十四

物或惡之故有道者不處也

智之不明未必皆能惡也故曰物或惡之惟有道者不處豈必知道而後能辨也

子解上

八

有物混成章第二十五

有物混成先天地生

易曰易有太極是生兩儀則生兩儀者易也然不言易而設爲太極於中者蓋言易之生物不可以正名故假太極以見則易與太極固未之有分也謂太極爲生兩儀則有易居其上謂太極爲生於易則未見太極之有間故寄之曰有則易爲無也老子曰有物混成先天地生則天地生於混成而混成者亦自有所生也然不顯言其生而虛生生者於上亦以生生者不可以正名寥兮寥兮獨立而不改周行而不殆可以爲天下母寂寥之中獨立而周行者彼亦不過動靜之兩間爾學

者多不能明寥之義與寂同爲靜非也古者謂大風之聲爲寂吹萬竅而怒號者寥能覆之則安得爲靜乎寂言靜也寥言動也惟寂故能獨立而不改惟寥故能周行而不殆此其所以能母天下者也

重爲輕根章第二十六

重爲輕根靜爲躁君

重輕在身必有所本故以根言之靜躁在心必有所制故以君言之木之生自拱把至合抱必有根焉然後枝葉有所賴不深其根而豐其末末勝則本必拔矣故身不可以不重心之物爲火炎上而善緣炎上則愈進善緣則莫知已非有以制之則必熾躁者動而不知守者

子解上

九

也故心不可不靜

奈何萬乘之主

彭紹釋文如何萬乘之主葉如作奈

善行者第二十七

是以聖人常善救人故無棄人常善救物故無棄物是謂襲明

常之爲言無時而不然也救之爲言迫而後應之不迫則不强施也

而無棄人而無棄物

彭紹釋文故無棄人故無棄物葉故並作而

將欲章第二十九

凡物或行或隨或响或吹

彭紹釋文故物葉故凡或嘘葉嘘作响

彭紹釋文不敢以取焉

不敢以强取焉

以道佐人主章第三十

以道佐人主者不以兵强天下其事好還

古之善用兵者毒天下而民從之亡國而不失人心蓋知禍之端不在我非以是爲强也

夫佳兵章第三十一

夫樂殺人者

彭紹釋文樂殺人者葉上有夫字

故吉事尙左

彭紹釋文吉事尙左葉上有故字

凶事尙右是以偏將軍處

左上將軍處右言以喪禮處之殺人眾多以悲哀泣之戰勝以喪禮處之

易以聰明獻智而不殺者謂之神武季康子問如殺無道以就有道孔子告之曰子爲政焉用殺夫雖無道而

子解上

十

亦不可殺戰勝而處以喪禮宜也

道常無名者第三十二

由川谷之於江海也

彭紹釋文由川谷之與江海也葉與作於

知人者智章第三十三

知人者智自知者明

自知者見性知人者未必能見性爲智而已智者有別乎外也故見性而後爲明明則無所不照也

勝人者力自勝者强

彭紹釋文勝人者有力葉無有字

自勝者克己勝人者未必克己爲有力而已故克己而後爲强强則無所不敵也

知足者富

求富者終無已也苟以爲足則簞食瓢飲亦可以爲富矣

不失其所者久

所者人之所安也人之所安莫大於道易曰艮其止止其所也所猶有在道變通不窮則無所不在隨所在而安之孰不可爲久者所謂道乃久也

大道汎兮章第三十四

大道汎兮其可左右

易曰一陰一陽之謂道易之言道以陰陽而老氏之獨曰萬物負陰而抱陽則爲之陰陽者誰乎故於此持以左右見之左陽也右陰也大道汎兮其無所倚故自陰

子解上

十一

而之陽則可以左自陽而之陰則可以右

萬物恃之以生而不辭功成不居

萬物由乎其間則恃之以生者吾固不得辭非我也陰陽也及其功成吾亦不得名之有矣名且不得而況於實乎

執大象章第三十五

執大象天下往往而不害安平泰

大象猶大物也恍惚之間有物有象其藏深矣不可名以大執而示物然後其大者見焉天下始得從之而往吾雖受之而未嘗見其有物則雜然共處各安其性命之情並行而不相悖固未有能害之者也是以不失其

居則安不違其分則不平不逆其情則泰

將欲歛之章第三十六

魚不可脫於淵國之利器不可以示人

事物之變不可以盡窮疑若有居無事而推行之者故見其張者不知所欲歛見其強者不知所欲弱其於廢興與奪亦然雖微而可明此柔之所以能勝剛弱之所以能勝強聖人之於天下蓋亦有運之者焉而不可以示人謂之利器金趙秉文集解二

聖人之於天下也蓋亦有運之者焉而不可以示人謂之利器吞舟之魚蕩而失水則螻蟻得而制之脫淵之病也是故聖人藏其用而不盡古者謂是爲神故曰神

子解上

十一

而化之使民宜之自伏羲至於文王因時之變立成器以爲天下利使斯民由之而不知者皆是物也是以民可使由之不可使知之雖吾孔子亦云不知是而一二以暴之則民必有伺其間而奪之者此三代而下所以詐譎萌生而卒無以勝之者歟

道無常章第三十七

吾將鎮之以無名之樸彭紹文鎮以葉鎮下有之字

吾名之樸亦將不欲不欲以靜天下將自正

靜者盡性而至命者也夫然天下不期而自正矣莊周曰正正者不失其性命之情其知靜哉

老子解卷上終

老子解卷下

宋葉夢得撰

裔孫德輝輯刊

上德不德章第三十八

上德不德是以有德下德不失德是以無德上德無爲而

非彭祖釋文而無以爲某無字作非

以爲下德爲之而有以爲

道無上下上亦道也下亦道也雖稊稗瓦礫之微而道無不在是以上經言道論其常與非常而已德則有體履之爲行施之爲政在得爲得在失爲失在吉爲吉在凶爲凶故不得不辨其上下德雖道之降然去道未遠猶有通乎道而不自爲德者故曰上焉者不德而有德過是則認德而忘道有役其身以求之惟恐其不獲者

子解下

而德自是微矣故曰下焉者不失德而無德無爲者道也德能體之而有無敢欲爲之心德猶在焉至於爲之而有以爲則每下矣

昔之得一者章第三十九

昔之得一者天得一以清地得一以寧神得一以靈谷得一以盈萬物得一以生侯王得一以爲天下貞其致之一也

前既離道爲德以迹觀之蓋析而有二矣恐天下遂認其二而不知其一者未嘗亡也故於是復極言之一者何也莊周曰泰初有無無有無名一之所起有一而未形此道之將叛萬物總焉而不能外者也故曰道生一

一生二自是而往巧厯所不能算矣其在易自天一而降積之爲天地之五十五衍之爲大衍四十九而所謂一者終藏而不見豈非散於天地萬物之間無往而不

在人無得而窺之者歟是以自天而清至侯王之貞槩而論焉未有不得而能立者

天無以清將恐裂地無以寧將恐發神無以靈將恐歇谷無以盈將恐竭萬物無以生將恐滅侯王無以爲貞而貴高將恐蹶

不幸而失之爲裂爲發以至爲蹶雖天地之大亦不能自存也此雖未必然而理則有是故以將言之

反者道之動章第四十

子解下

反者道之動弱者道之用天下之物生於有有生於無此猶以論夫一也自其多者數之則一者其反而萬物由之以運則道之動也自貴與高者觀之則一者其弱而萬物資之以立則道之用也夫如是知天下之物生於有則天地至於侯王者是已而有生於無則一固存焉於其間也

上士聞道章第四十一

故建言有之明道若昧夷道若類進道若退上德若谷大白若辱廣德若不足建德若偷質真若渝大方無隅大器晚成大音希聲大象無形道隱無名夫惟道善貸且成明而若昧夷而若類進而若退者中智之所疑也上德

者若谷不自有其德也大白者若辱能納汙也廣德者若不足所以能有進也建德者若偷不見其用力則疑於情也質真者若渝不知其有常則以為或變也大方者無隅不示人以形也大器者晚成不使見者速也大音者希聲不使得以聞也大象者無形不使得以見也道之隱於無名者每如此不可以一端求是以能推其餘以與人而萬物莫不資之以成也

道生一章第四十二

道生一一生二二生三三生萬物

此蓋明道分而為二雖裂而為陰陽而一陰一陽亦不離乎道之所一是故道生一而陰陽各得其一惟一乃

子解下

三

能為二故陰陽配而為二二具而一存乎其間則為三三散而為和氣以生萬物萬物亦得其三之一以抱負乎陰陽是終始未見一物之外乎一也

天下之至柔章第四十三

馳天下之至堅彭祖釋文馳騁天下之至堅葉無騁字

天下希及之彭祖釋文天下希及之矣葉無矣字

大成若缺章第四十五

躁勝寒靜勝熱清靜為天下正

春秋傳曰正直為正正曲為直清靜之為天下正正其直者也

寒暑者天地之氣也有人於此躁猶可以勝寒靜猶可

以勝熱苟知其所勝孰往而不可為則清勝濁靜勝動其效亦可已矣而況於缺之勝成沖之勝盈屈之勝直拙之勝巧訥之勝辯惟其不察此故必求其能勝之者苟求勝之終非其正也唯清靜為天下正金趙秉文集解三

不出戶章第四十七

不出戶知天下不窺牖見天道

雖山河不能為之礙況戶牖乎

其出彌遠其知彌少

有不能達則播糠眯目天地且為之易位

為學日益章第十八

無為而無不為彭祖釋文而無不為矣葉上有無為字末無矣字

子解下

四

聖人無常心章第四十九

聖人之在天下惔惔為天下渾其心百姓皆注其耳目聖人皆孩之彭祖釋文渾心葉渾下有其字

聖人之在天下在而不治也金趙秉文集解三

出生入死章第五十

生之徒十有三死之徒十有三民之生動之死地亦十有三

十有三四支九竅是也老氏蓋嘗以有身為大患矣而昧者不察累於有身之患皆無能外此十有三物之間使能知其非我有則超然乃立乎形骸之外豈出入之所得名然而沈迷轉徙自壯至老化而至於死非特不

知生而且其動而趨焉者未嘗不之於死地也則亦以是十有三物而已

夫何故也以其無死地彭祖釋文夫何故以其無死地葉以上有也字

天下有始章第五十二

是謂襲裳彭祖釋文是謂襲裳葉常葉常作裳

善建不拔章第五十四

善建者不拔善抱者不脫子孫以祭祀不輟

出而有立故謂之建入而有守故謂之抱出者有本故不可拔入者有常故不可脫夫如是則立者雖遠而愈長守者雖近而愈久譬之於已非特及其身而已垂之子孫祭祀不輟其事我者無時而可亡也

子解下

五

含德之厚章第五十五

含德之厚比於赤子

老子既以嬰兒論道矣於此含德之厚復比之赤子嬰兒其未孩者也所保者氣而已故道似之赤子則既孩矣而未有知也故德似之

骨弱筋柔而握固彭祖釋文骨弱筋柔而握固葉握作握

物壯則老是謂不道不道早已

是以已之亦貴乎早也

以正治國章第五十七

以正治國以奇用兵以無事取天下吾何以知其然哉物各有所當治國者必以正用兵者必以奇國以奇治

之則亂兵詭道用之以正亦未免於敗然聖人之奇豈若後世之詐哉敵至而爲之所是以其變不窮

天下多忌諱彭祖釋文夫天下多忌諱葉無夫字

其政悶悶章第五十八

民之迷其日久彭祖釋文民之迷也葉無也字

是以聖人方而不割廉而不剌直而不肆光而不耀

民曰迷於其間而弗悟聖人固當有以救之是故方而不割則有全者存廉而不剌則有質者存直而不肆則有屈者存光而不耀則有晦者存是以閉而不盡用爲悶而不爲察者也

治人事天章第五十九

子解下

太

莫若嗇彭祖釋文莫如嗇葉如作若

治大國章第六十

以道莅天下者其鬼不神非其鬼不神其神不傷人非其神不傷人聖人亦不傷人彭祖釋文不傷民三句民字葉並作人夫兩不相傷故德交歸焉

詩頌文王之聖至於思齊曰神罔時怨繼之曰神罔時

恫豈不以鬼無所怨於人則亦無恫於人降之嘉祥而禍災不至其有傷之者乎

大國者下流章第六十一

天下之交天下之牝牝常以靜勝牡以靜爲下故大國以下小國則取小國小國以下大國則取大國故或下以取

或下而取

取之爲言得所欲之謂也

道者萬物之奧章第六十二

故立天子置三公雖有拱璧以先駟馬不如坐進此道

駟馬貴矣而先之以拱璧世必以是爲寶非吾所謂寶

古之所以貴此道者何也不曰求以得有罪以免耶故爲

天下貴

夫婦之愚未有求道而不得一有聞焉雖向之嘗以爲

罪者可以一洗皆空則道之爲貴果在此不在彼也

爲無爲章第六十三

終以無難彭祖釋文故終無難矣某作終以無難

子解下

其安易持章第六十四

爲者敗之執者失之是以聖人無爲故無敗無執故無失

民之從事彭祖釋文故民之從事葉無故字常於幾成而敗之慎終如始

則無事彭祖釋文則無事矣葉作則無事

世固未嘗有成敗以吾有爲故成者必敗世固未嘗有

得失以吾有執故得者必失此民之所以從事而不得

不謹者也

古之善爲道章第六十五

古之善爲道者非以明民將以愚之

自道而降民日趨於僞不患其不明而患其不明之過

故聖人逆爲之防而欲以道愚之也

故以智治國國之賊不以智治國國之福知此兩者亦楷式能知楷式是謂玄德玄德深矣與物反矣然後乃至大

順

以智治國國之賊不以智治國國之福然是足以爲

楷式而非道也故謂之玄德積玄德而至深且遠則近

乎本而與物反夫然後各安其性命之情是以謂之大

順金趙秉文集解四

江海爲百谷王章第六十六

是以處上而民重石彭祖釋文是以聖人處上而民不重葉無聖人字

故天下莫與之爭彭祖釋文故天下莫能與之爭葉無能字

天下皆謂章第六十七

子解下

八

夫慈以戰則勝以守則固天將救之必以慈衛之彭祖釋文以慈衛之葉上

雖然我自處已易物無所不濟難故卽三者推愛以爲

先而終復明之以爲以戰則勝以守則固是今之所急

也天若救斯民必使有爲慈者出而衛之此老氏之所

怛然有期於天下者歟

用兵有言章第六十九

是謂行無行攘無背仍無敵執無兵

大司馬之法曰伐者以鼓鐘聲其罪而告之止於境上

服其罪則已不必於進也故進以寸則常寡退以尺則

常多此雖行而若無行也雖攘而若無臂也不見可敵

若無仍也雖執之若無兵也金趙秉文集解四

輕敵者幾喪吾寶彭祖釋文輕敵幾喪吾寶葉敵下有者字

吾言甚易知章第七十

而天下莫能知彭祖釋文天下莫能知葉上有而字

知我者希則我者貴彭祖釋文知我者希則我貴矣葉作則我者貴

知不知章第七十一

知不知上彭祖釋文知不知尚矣葉尚作上無矣字

不知知病彭祖釋文不知知病矣葉無矣字

民不畏威章第七十二

則大威至彭祖釋文則大威至矣葉無矣字

勇於敢則殺章第七十三

子解下

九

勇於敢則好殺勇於不敢則好活均於必行而不可屈

故同謂之勇

此兩者或利或害天之所惡孰知其故是以聖人猶難之

可殺而殺則利非所當殺而殺則害可活而活則利非

所當活而活則害蓋可殺者必天之所惡天道難謹人

不可以知其故聖人猶難之

繹然而善謀彭祖釋文坦然而善謀繹然作繹然而善謀

民常不畏章第七十四

吾得執而殺之彭祖釋文豈執而殺之豈葉作得

夫代司殺者殺彭祖釋文而代司殺者殺葉而作夫

代大匠斲彭祖釋文夫代大匠斲葉上無夫字

民之飢章第七十五

民之飢以其上食稅之多彭祖釋文民之饑以其上食稅之多也葉饑作飢無也字

唯無以生為者是以賢於貴生夫彭祖釋文是賢於貴生也葉是下有以字也作夫

由是言之患民之難治而有為以治之豈若無為而使

之自治恐民之飢而多稅以食之豈若無稅而使之自

食也

食也

民之生章第七十六

民之生也柔弱其死堅強彭祖釋文人之生也柔弱其死也堅強葉人作民無也字

草木之生柔弱彭祖釋文草木之生柔弱葉脆作弱

故堅強者死之徒柔弱生之徒彭祖釋文死之徒也生之徒也葉無也字

子解下

十

是以兵強則不勝木強則共故堅強居下柔弱處上

此有道以佐人主者所以不欲以兵強天下也

天之道章第七十七

天之道其猶張弓乎高者抑之下者舉之有餘者損之不

足者補之天之道損有餘補不足人之道則不然損不足

而奉有餘

張弓者挽之而後弛是亦斂之於己而施之於物者也

故天道亦如之此其高下抑揚有餘不足無不中其節

者其取之不在外也人反是求於外而不求於內是以

每損人之不足以奉己之有餘

孰能以有餘奉天下唯有道者彭祖釋文孰能損有餘而奉不足於天下者其唯道

乎葉作孰能有餘
奉天下唯有道者

是以聖人爲而不恃功成不居其不欲見其賢耶彭耜釋文見賢耶葉賢上有其字

惟有道者爲能爲天之所爲則亦爲而不恃功成而不處不自安乎外爾此聖人也而曰不欲見其賢夫賢且不欲見而況其聖者乎

天下柔弱章第七十八

天下柔弱莫過於水彭耜釋文天下莫柔弱於水葉作天下柔弱莫過於水

莫之能勝彭耜釋文莫之能勝先葉作莫之能勝

無以易之彭耜釋文其無以易之葉無其字

子解下

十一

是以聖人言受國之垢是謂社稷王受國不祥是謂天下

王彭耜釋文受國之是爲天下王葉無之字是爲作是謂

不祥重於垢故所受彌多所得彌大

正言若反

知大怨章第七十九

知大怨有餘怨彭耜釋文知大怨者必有餘怨葉無者字無必字

天道無親常與善人

有求於我知持吾信以待之而已彼當償則無不知也夫然後能當天下之求而未嘗勞茲不亦如天之無親而惟善人之與乎

小國寡民章第八十

小國寡民

國之不能治以大視之也民之不能安以眾視之也夫孰知有以大爲小以多爲少之道乎是故國大而能大治之民眾而以眾爲之則有終身不能勝者聖人之道無他亦曰小國寡民而已普天之下不爲不廣率土之濱不爲不多而吾未嘗知其廣且多也

使民有什伯之器而不用彭耜釋文而不使民重死而不遠徙葉無此句

樂其俗彭耜釋文樂其俗葉業作俗

不相往來彭耜釋文不相往來來葉作不相往來

信言不美章第八十一

子解下

十二

知者不博博者不知

今老氏之爲書使人得以受而味焉則近乎美窮萬物之理而無不至則近乎辯察萬事之變而無不該則近乎博然固有信而不美善而不辯知而不博者存

天之道利而不害聖人之道爲而不爭

抑嘗觀世之論老氏者矣自漢蓋公得其術教曹參以相齊而齊治竇太后好之施於文景而天下大安茲非其利乎然以清虛而廢實務其流遂至於亡晉則不可謂無害孔子曰述而不作信而好古竊比於我老彭古今所傳以老爲老氏信斯言也孔子所不廢茲非其爲乎然有病其提提仁義絕滅禮學以爲有見於上而無